



Bentiaraq Ottosen

UPA 2026/77

Atassut

17. Juni 2026

Pujortartarnejq nunatsinni peqqissutsimut annertuumik sunniutipiloqartaqisoq qanoq annikillisarnerusinnaanera pillugu apeqquteqaat aallaavingalugu siunnersuut

(Inatsisartunut Ilaasortaq Aqqalu C. Jerimiassen, Atassut)

Nunatta kangiani aalisarnikkut ineriartortitsinissaq pingaaruteqarluinnartuuvoq, tassungalu ilanngullu pingaaruteqarpoq Sermiligaami qaleraleqarnejq, nunatsinni inuussutissarsiornikkut inuiaqatigiinnilu ineriartortitsinermut pingaaruteqarluinnartut aningaasarsiorfigineqarsinnaasut ilagaat.

Atassutip politikikkut tunngavigisaa naapertorlugu namminersorluni inuussutissarsiuteqarnejq, najukkami ineriartorneq kiisalu innutaasut namminneq pilersornissamut periarfissaasa annertunerulernissaat aammalu pitsaanerusumik sumiiffinni immikkoortuni piginnaangorsaanissamut siunertamut pingaarutiliummat isumaqataavugut.

Aalisarnejq ukiuni arlalinni Kalaallit Nunaata aningaasarsiorneranut tunngaviuvoq, siunissamilu aamma taamatut inissisimaannarnissaa Atassutip pingaaruteqartutut isigaa. Nunatta kangiani innuttaasut sumiiffinni inuussutissarsiornikkut periarfissaqarnissaat Atassutip pingaartilluinnagaata ilagaat, soorlu Sermiligaami Qaleraleqarfik ineriartortinneqarpat aalisarnikkut, umiatsiaararsortut akornanni, tunitsiveqarnikkullu inuussutissarsiortut allat suliffissanik nutaamik pilersitsissapput. Tamanna ilaqutariinikkut aamma aningaasaqarnejq toqqissisimanarnerpaamik inissisimalissaaq, inoqarfiillu minnerit aammalu inoqarfiit annerit akornanni nunatta kangiani ineriartornermik kinguneqassaaq. Soorlutaaq aamma nunatta kujataani Alluitsup Paani tamanna ukiorpassuit qaangiuttut pisimasooq oqaatigilluarsinnaagiga. Inoqarfiit minnerit eqqaani piniagassarpassuarnik aalisarnikkut pisuussuteqarput, tunitsiveqarnikkullu ajunngitsumik aallaaveqarpat inoqarfiit minnerit inoqassusaasa qaffariarneranik kinguneqarsinnaavoq, illuatungaanilu oqaatigisinnaavarput ineriartornerup taamatut ingerlanissaa Atassutip soqutigilluinnarpaa tapersorsorlugulu. Eqqaamaqqara Alluitsup Paa assersuusiarigatsigu.

Atassutip isumaa naapertorlugu aalisarnikkut ineriartortitsineq piujuartitsisumik tunngaveqartariaqarpoq. Qalerallit aalisarnikkut isumalluutigut ilagilluinnarpaat, kisianni erseqqissarusunnarpoq aamma maannakkut nunatta sineriaa imartarput saarullinnik annertuumik peqalernera silap pissusiata allanngoriartorneranut attuumalluurtuummat. Immap kissasusaa allanngorpoq kissarnerulerlunilu kangerluit saarullerpassuarnik saarulleqalerput. Tamakkua aamma isiginiarnejqarnissaat pingaaruteqartutut Atassummiit isumaqarpugut qiviarnejqassasut.



Atassummiit pingaartilluinnarparput aalisakkat avammut tunisassiaritinnagit najukkani sumiiffinni suliarineqaraangata suliffiit amerlanerusut pilersinneqartartut, tamanna aningaasarsiornermut nunatsinnut iluaqutaalluarsinnaanera isumaqarpugut pingaaruteqartoq. Tamanna qulakkeerneqartarmat ilinniarnissamut periarfissat annertusiartorneranik aammalu aningaasat amerlanerusut nunatsinniiginnarneranik toqqammavik pilersinneqarsinnaammat. Tamanna nunatta kangiani inuussutissarsiornermut pitsaasumik tunngavissaqartitsilissaaq.

Atassummiit atugarissaarneq pillugu isiginnittaaserput aallaavigalugu pisortanut kisimi sullissinerinnaasanngilaq, atugarissaarneq pilersinneqartarpoq innutaasut suliffissaqaraangata, imminullu pilersorsinnaanermittut toqqammavissaqaleraangata ilaqtariinikkut pitsaasumik inuuneqalersitsisinnaammat. Taamaattumik aalisarnermik ineriartortitsineq aningaasaqarnikkut aamma inooqataanikkut iluaqutaasaaq.

Aammattaaq inuusuttunut pingaaruteqarpoq aalisarnermik inuussutissarsiuqarnissamut kajumissuseqalersinneqarnissaat. Ilinniartitaaneq, pikkorissaanerit teknikkikkullu ineriartortitsineq aqutugalugit inuusuttunut periarfissat pitsaannerusut pilersinneqarsinnaapput. Taamaaliornikkut inuussutissarsiut ingerlaavartumik nutarterneqassaaq, kinguaariillu tullii aalisarnermik inuussutissarsiuqarnissamut periarfissaqarluarnerulissallutik.

Atassutip upperaa najukkani innuttaasut tusarnaarneqarnissaat aalajangiisuulluinnartoq. Sermiligaami najugaqartut, aalisartut inuussutissarsiortullu ilisimasaat misilittagaallu tunngavigalugit ineriartortitsineq ingerlanneqartariaqarpoq. Naalagaaffimmi imaluunniit qitiusumik aalajangiinerit kisimik tunngavigineqassanngillat, kisianni sumiiffinni pisariaqartitat periarfissallu ilanngullugit isiginiarneqartariaqarput.

Naggasiullugu Atassutip erseqqissaatigaa Sermiligaami qaleraleqarfiup ineriartortinneqarnissaa aalisarnermik inuussutissarsiutip nukittorsarneqarnerinnaassanngitsaq, aammali Tunumi atugarissaarnerup, suliffissaqartitsinerup, najukkani ineriartornerup aammalu Kalaallit Nunaata aningaasaqarnerata patajaallisarneranut pingaarutilimmik tunniussaqaassasoq. Isumalluutit atorluarlugit, piujuartitsineq tunngavigalugu kiisalu innuttaasunik tatiginnilluni suleqatigiinneq aqutugalugu siunissamut patajaatsumik tunngaviliisoqarsinnaavoq.

Qujanaq.